

永興縣志卷四十三

知永興縣事呂鳳藻主修

仙釋志

天下豈有神仙漢武末年始悟其妄然方外之士有未可以方內測者柳志載蘇母潘氏家於便縣又嘗市鮓於便稱遇其舅氏金寶山有王真君飛昇故址邑人李樸大遊記及焉姑志之以備考其爲永人與否則不必以是爲輕重也漢仙母潘氏邑人漢蘇仙耽之母許聘柳人某未歸夫亡誓死靡他遂歸執喪禮事姑盡孝一日

永興縣志

卷之四十三

仙釋

一

澣衣江濱忽浮五色苔繞足棄而復繞者三母吞之成孕彌月生男寘之牛脾山洞中七日母往視之白鶴翼之白鹿乳之母始收養長就鄉塾師問其姓名曰無見門外人耽禾以草貫魚因自命姓蘇名耽嘗遇異人授以仙道一日告母曰上帝來召耽欲去矣母曰汝去吾誰養乃固封一櫃遺母云扣之隨所需而皆得明年郡有大疫庭前橘葉井水可取以療眾亦足稍供甘旨語畢雲端見旌幢冉冉前導跨鶴飛昇而去母百餘歲無疾而終後人奉爲仙母元君至

今邑城東潘園故址上建蘇仙觀相傳有仙韭
遺種采之不易得云詳見州志

王真君未詳何處人煉形金寶山存有丹竈及
飛昇故址禱雨多應年代出處封號均無考或
云邑人或云卽州志王錫